

皇
明
典
禮
志

重刊

皇明典禮敘

國家纂三統以定纂衷百
王而垂憲典禮之爲用大哉
矣定之斯爲禮垂之斯爲
典典者常也一王作則百
王不刊於以釀郅隆而臻

熙洽率由茲軌故足稱焉粵
自太乙肇分至黃龍判禮
始基之洪濛方闢文明漸次
而開逮乎姬周其文大備一切
辨方正位體國經野設官分
職以爲民極者燦然宇宙不
徒祭祀燕饗冠婚賓射之

為斤斤已耳太宰掌建邦
六典以治典為先禮僅居其
一然其書不名為治而名為禮
意自可見秦漢以來所為治
者皆謂之政特以施於鄉廟
朝廷學校有儀文度數者
則謂之禮故叔孫擇便於

錦葛蕭蕭爲襲陋於開元而
蔡襄蘓軾亟欲建明於一世
大抵三代以前以禮爲治天下
之大綱三代以後以禮爲治天
下之一節此古今治效隆污
之大端也我

太祖高皇帝初膺寶錄即命中

書省暨史館奉常德徑完
擬三禮明年再命集議又明
季編纂遍徵草澤道德文
章之士相與考訂用成一代之
制

神詔通興章程纂脩大府所薦如
大明集禮洪武定制禮儀定式明

倫大典諸書較著列眉昭於
指掌要以條貫未必無裨
例互有異同先臣丘文莊公嘗
疏請

勅典禮大臣著為一書頒示中外
使天下萬世咸知我

朝規矩軌唐宗躋秦漢而直與

周禮媲美隆頤日星雲漢繪天
老難為工紘極輪袞步地者
難為紀一代大制作非得一
代大手筆曷能為之發明是
以二百餘年闕焉有待

少宗伯明龍郭公鍾江漢之
靈應名世之運文章映世經

術匠嘗其在承明著作之廬
業已目覽手綜盡披人金匱之
藏而擷其秘比晉秩宗更歷
掌故謂憲章廼從周之家法
練習寔守官之善經矧

列聖所鑒裁羣碩之所參酌種々
鱗萃具足著龜近守之極靈

闡揚自不能已用是博蒐昭代
同新訂詮而春官所掌之若郊
禘之儀章官府之體統宗藩
之封號庶幾之名器釐序之
規約萬民之教令百王之制度
四夷之情貌靡不殫載試之展
卷譬攬瓊衡之管披方輿之

志宇宙屬其範圍斡旋由其
指點煌々乎經世大業不刊盛
事哉公立朝正直不阿終始一
節尋以物望攸屬且旦夕宣麻
亮不及待海內共惋惜之至古
文辭若待才情宏富筆下調縱
橫結撰精密當世作者曾擬

之弇州新都間則公之人品
久品自堪千古茲典禮復編又
其經綸足以飾治理譬畫足
以開太平稍試一班而弗克究者
雖然憶典庸禮以適於治余詳
哉言之矣當事者誠奉為司
南徑曲炳如日星坊表毋失尺寸

何郅隆熙洽之不在茲而必岐
文章政事而工之是賢岳於重
校而鋟之旨也余不敏敬受成
事敢述其概以寄遵路之思
云

萬曆歲次癸丑菊月吉旦

欽差提督軍務巡撫浙江都察

院右僉都御史前大理寺右
少卿右寺丞奉

勅閱視真定關營巡視京營提
督北直隸學校河南道監察
御史古溫高舉敘

刻皇明典禮序

皇明典禮志乃

高皇帝經緯百王順時制

宜而

列聖相承間有增益所以經
國家位社稷教民物而利後
世者也蓋王者之興代不相襲

禮必因前王之制節之以人心
而自古稱禮樂明備則莫如
周為盛孔子曰監於二代都
乎文哉又曰禹湯文武成王周
公六君子者其選也方禹以典
則貽厥子孫五典五禮政事
惟懋及湯續舊服肇脩

人紀建中於民上下神祫宗
廟惟永圖二聖人之精制
當周公時非若後之後於
祀宗必燦然具在周公之才
之美藝文武成王之心蘊
以配監於二聖人則孔子所云
法周禮周公亦獨為一則禮然

耳我

高皇驅逐胡元以重光日月
其踐祚初每令推結侏僂
所用之即拜孫奉一常並
陳闕元藝祖綿範宣之
何嘗醒心所取裁而
高皇以天挺聖哲上下古帝王

之作更訂參考創制立法
則明於天設財於地取順於
陰陽以爲定式在位三十餘
年而後成

列聖相繼立隆以盛猗與盛
哉蔑以加矣夫周公所致太平
書滅於強諸侯復燼於秦火

山巖殿屋壁玉高堂所傳竊漢
儒附會未可知抑何所攷
則我

明後起當千百年之表而周
公時當二代之盛時勢既殊功
德亦懸乃孔子生周曰不敏自
專即聞自用一竇而已已以周

禮又統夏學殷至語顏子為
邦夏時殷輅且系周冕而
用之國假令孔子得當名世
興周道東方一一取用周公
書守而勿失所謂三代之英
立有志焉不得見之行而謂
俎豆之事嘗聳之但存之為經

而六乎或不然也周公相成王
其道行作者之謂聖孔子道不
行述者之謂明時之所啓周公
不得已而坐之時之所啓孔子不
已而述之以為坐皆時也古君子
所不能違也是志之宗伯公稽
於掌故所散見集次為一書

卷二十上自

朝廷郊廟以下逮士庶人名鉅
無鉅者以其類以成一代之典
誌

國家之盛而其間曰革曰損益
列聖精思奧蘊有待而未張
者必往之微見意焉守周

公孔子之道附於憲章文
武之誼生斯時也為斯或也
同倫同軌之化萬世如一日焉
斯宗伯公作志之深思乎志成
宗伯公寄之維揚端吾時視
離亭即付割廟氏以行
萬曆庚戌夏月夏邑趙

端吾樓

皇明典禮志序

夫禮本天殺地綱紀人倫利用安身教民成俗唐虞三代代有損益革命之際多沿先代周人初年肇稱殷禮漢帝草儀雜采秦法唐皇修文多用隋禮宋初通禮半約唐儀卽有損益所因居多胡元之世天澤旣易禮安用之先王典刑淪漸無存冠冕椎結號令侏僂大報拜天卽日月山金書玉篆用蒙古字冊后之初帝后並座大明殿右丞相起而上壽壽帝壽后冠禮婚禮從其本俗大宴而服質孫冬則納石寶里夏則鉞笠都納剪柳代射跪

足代拜行之百年文物盡矣。

高皇闢乾坤而新日月。朝百神而首庶物。在位三十餘年。世而後仁。卽位之初。勅中書省。禮制未定。令天下郡縣舉高潔博雅之士。年十四以上者。於是儒士徐一夔。梁寅。周子諒。胡行簡。劉宗弼。董彛。蔡深。滕公琰。至京。詔同修禮書。元年。議郊祀耕籍禮。二年六月。讀叔孫通至會。兩生不肯行。因謂侍臣曰。叔孫雖竊禮之糠粃。然創制於煨燼之餘。以一成一代之制。可謂難矣。兩生不無迂耶。必待百年。朝廷之禮廢矣。二年。勅尚書崔亮等。議喪禮。九月大

明集禮成其書準五禮而益以冠服車輅儀仗鹵簿字學四年六月御東閣與羣臣言禮樂禮書陶凱曰整齊風俗必以政刑上曰教化必先禮義政刑非所先也八月諭廷臣曰古帝王辨貴賤明等威漢高初興卽禁錦繡綺縠操兵乘馬歷代皆然近代風俗侈靡閭里之民服飾居處無異公卿奴僕賤隸侈肆鄉曲貴賤無等元之失也中書省其以房舍服飾明立禁條頒示中外俾有所守五年三月謂禮臣曰成周大司徒以五禮防萬民之僞而教之中元以夷變夏先王之禮熄矣其稽考典

禮布之天下。庶幾復古。六年三月。禮官上所定禮儀。

上謂禮書諒曰。元氏棄禮。因循百年。中國之禮。變易幾盡。朕夙夜不忘。振舉污俗。其更參訂。務合人情。永爲定式。庶協朕志。七年十一月。孝慈錄成。定父母三年喪制。自是十餘年間。所著禮書。曰國朝禮制。曰稽古定制。曰國朝制作。曰大禮要議。曰皇朝禮志。曰禮儀定式。曰大明禮制。曰洪武禮法。曰禮制集要。曰禮制節文。曰太常集禮。曰禮書。諸所藏祕閣。繪圖議文者。未暇悉數。上之郊廟朝廷。次之。

侯王郡邑下之閭巷州黨洋洋優優無大無細隆
禮由禮如正至而傳同慶則行慶之施也朝覲而
定黜陟則明試之規也祭祀而去俎豆則順時之
意也訓儲而議再拜則教胄之規也永思而隆徽
稱則追王之道也宮壺而等后妃則軒轅之儀也
封拜而嚴本支則主器之辨也冠婚而逮士民則
周道之隆也喪服而均斬衰則孺慕之本也冠服
而省五冕則易簡之道也曰嬪而正禮文則釐降
之義也其間損益百王超越千古或以義起或沿
時章逮巡狩監國之禮肇于

文皇詩書禮樂之文。正於
宣皇講闡談經之儀。定於
英皇陵廟嫡庶之分。正於
孝皇郊廟耕蠶之儀。舉於
世皇而我

明一代之禮。伯夷不能典。柱下不能述矣。夫禮貴因
時。道沿人心。惟聖人能通其意。惟聖人能定其極。
當其時。卽叔孫奉常之綿蕝。沮午可行之再生儀。
猶有取焉。不當于心。卽新氏之周官。弱宋之周禮。
是安知禮意。蓋至我

明而官天地。府萬物。格上下。感鬼神。美矣善矣。無以
復加矣。茲識其大者而纖悉因革。則有司存。

江夏郭正域撰

皇明典禮志目錄

卷之一

卷極儀

卷之二

大朝儀

朔望朝儀

常朝御殿儀

常朝御門儀

午朝儀

諸王來朝儀

諸司朝覲儀

朝皇后儀

東宮朝賀儀

三司朝賀東宮儀

親王朝東宮

蕃王朝貢禮

蕃使入見禮

卷之三

大宴儀

節令

宴命婦儀

東宮宴儀

宴蕃王儀

東宮宴蕃王

丞相宴蕃王

宴蕃使

卷之四

上尊號

上徽號

卷之五

冊立皇后

冊妃禮

冊嬪禮

卷之六

冊立東宮

冊東宮妃

卷之七

冊親王儀

冊王妃

冊公主儀

卷之八

皇帝加元服

皇太子加元服

皇太孫冠禮

親王冠禮

品官冠禮

庶人冠禮

卷之九

皇帝大婚

皇太子婚禮

東宮偏妃禮

親王婚禮

王次妃禮

公主婚禮

教習駙馬

品官婚禮

庶人婚禮

卷之十

大卹

皇后喪禮

皇嫂喪禮

皇太后喪禮

皇妃喪禮

皇太子喪禮

太子妃喪禮

親王喪禮

公主喪禮

品官喪禮

庶人喪禮

服制

卷之十一

耕籍

卷之十二

親蠶

卷之十三

經筵

日講

無逸殿講

卷之十四

東宮出閣

皇長孫讀誓

親王讀誓

卷之十五

巡狩

卷之十六

監國

卷之十七

鹵簿儀仗

大駕鹵簿

儀仗

丹陛駕

太皇太后皇太后 尚得

丹陛儀仗

皇妃鹵簿

皇妃儀仗

東宮鹵簿

東宮儀仗

東宮妃鹵簿

東宮妃儀仗

親王儀仗 世子同

親王妃儀仗 公主世子妃同

郡王儀仗

郡王妃儀仗

郡主儀仗

公侯百官儀從

卷之十八

皇帝冠服

皇后冠服

皇妃冠服

皇嬪冠服

內命婦冠服

宮人冠服

皇太子冠服

皇太子妃冠服

親王冠服

親王妃冠服

公主冠服

王世子冠服

世子妃冠服

郡王冠服

郡王妃冠服

長子冠服

郡主冠服

長子夫人冠服

宗室冠服

內使冠服

侍儀舍人校尉刻期冠服

齋郎舞生冠服

品官冠服

外國陪冠服

內外命婦冠服

內外官員親屬冠服

士庶冠服

士庶妻冠

進士巾服

生員巾服

吏員巾服

軍士衣服

僧道衣服

教坊司巾服

卷之十九

大朝宮殿

內閣

王宮志

郡王府第

公主府第

官民居室

卷之二十

雜典禮

寶璽

印信

習儀

迎 聖母

進曆頒曆

進春

有司鞭春

正旦立春

萬壽遇冬至

聖旦遇服制

喪禮遇祭日

藏冰

救日月食

祈禱災祥

皇子誕生

皇子命名

皇女誕生

皇女命名

皇太子與諸王書式

開讀

迎接詔赦

頒詔總兵官

頒詔諸蕃

文武官辭謝

講女訓

外戚朝見

表箋式

進表

忌辰

降王拜位

受降

獻俘宣捷

賞廉能

大班糾劾

頒誥勅

官員受誥封贈並焚黃儀

頒賜受賜

賜坐綉墩

政事碑

進寶錄

進玉牒

王國禮

皇明典禮志

目錄

十

鎮國將軍禮

儀賓班次

官員禮

風憲有司品級高卑禮

三司禮

南京會議坐次

到任

公座

致仕與有司班

相見禮

拜禮

閣中文移

諸司文移式

鄉人禮

大射

僧道

器皿

床帳

期年不奔喪

期功廻避

爲大臣發喪

恤典

謚

輟朝

皇明典禮志卷之一

江夏

郭

登極儀

吳元年十二月。中書左相國李善長率禮官以卽位禮儀進。先告祀

天地禮成。卽

皇帝位於南郊。丞相率百官以下。及都民耆老。舞蹈呼萬歲者三。具鹵簿導從詣

太廟。上冊寶。追尊四代考妣。告祀社稷。還具衮冕御奉天殿。百官上表賀。先期侍儀司設表案於丹墀。

內道之西北。設丞相以下拜位於內道東西。每等異位。重行北面。捧表官。展表官。宣表官。位於表案之西。東向。糾儀御史二人。位於表案之南。東西向。宿衛鎮撫二人。位於東西陛下。護衛百戶二十四人。位於其南稍後。知班二人。位於文武官拜位北。通贊贊禮二人。位於知班北。通贊西。贊禮東。引文武班四人。位於拜位北稍後。東西向。引殿前班二人。於引武班南。舉表案二人。位於引武班北。舉殿上表案二人。位於西陛下。東向。其丹陛上設殿前班指揮司官三員。侍立。位於陛之西。東向。宣徽院

官二員侍立。位於陞之東西向。儀鸞司官位於殿中門之左右。護衛千戶八人位於殿東西門左右。鳴鞭四人列於殿前班之南北向。將軍六人位於殿門左右。天武將軍四人位於陞上。四隅俱東西向。殿上尚寶司設寶案於正中。侍儀司設表案於寶案南。文官侍從班起居注給事中殿中侍御史尚寶卿位於東。武官侍從班懸刀指揮位於西。受表官位於文。侍從班南。西向。內贊二人位於其南。東西向。捲簾將軍二人位於簾前。東西向。是日早拱衛司陳鹵簿列甲士於午門外東西列。旗仗於

奉天門外東西設五輅於奉天門外。玉輅中。左金輅次革輅。右象輅次木輅。並丹墀左右陳布黃麾侍儀舍人二人舉表案入。鼓初嚴。百官朝服次於午門外。北上東西向。通班贊禮宿衛官入。諸侍衛及尚寶侍從官入。鼓三嚴。丞相以下入。

皇帝衮冕陞御座。大樂鼓吹振作。樂止。將軍捲簾尚寶卿置寶於案。拱衛司鳴鞭引班導文武百官入。丹墀拜位。北面立。初行樂作。至位樂止。知班贊班贊禮贊拜樂作。四拜興樂止。捧表以下官由殿西門入。內贊贊進表。捧表官跪捧受表。官跪受置案。

出笏興。退位東向。內贊贊宣表展表官前。稽笏跪。展宣表官。稽笏跪。宣訖。展表官出笏。一人以表復於案。俱退。宣表官俯伏興。俱出殿西門。降自西階。復位。贊禮贊拜。樂作四拜。樂止。稽笏。三舞蹈。拱手加額。呼萬歲者三。樂工軍校齊聲擊鼓。應之。出笏俯伏興。樂作四拜。賀畢。遂遣官冊拜。

皇后冊立。

皇太子以卽位詔告天下。

永樂二十二年八月。禮部上卽位儀。先期司設監陳御座於奉天門。欽天監設定時鼓。尚寶司設寶案。

教坊司設中和韶樂。設而不作。是日早遣官祇告天地。

宗廟社稷。

上具孝服。祇告几筵畢。具袞冕服詣奉天門。卽

皇帝位。是日鳴鐘鼓。錦衣衛設鹵簿。大駕

上御奉天門內。文武官朝服入午門。

上服袞冕。鴻臚寺導執事官行禮。請

上陞御座。

上由中門出陞御座。錦衣衛鳴鞭。百官上表行禮。如大朝會之儀畢。出承天門外。東西立翰林院官捧

詔書御前用寶鴻臚寺官奏頒詔翰林官以詔授禮部官由午門左門出錦衣衛先設雲蓋午門外候詔至置雲蓋中導赴承天門開讀行禮如常儀宣德以後同

正德十六年三月十四日奉

武宗皇帝遺詔迎

世宗皇帝入承大統翌日皇親駙馬司禮監太監內閣大學士禮部尚書等官齎詔諭金符馳詣安陸菴府奉迎內官監工部造行殿於宣武門外南向司設監設帷幄御座於中尚衣監備翼善冠服錦衣衛備鹵

簿大駕以候四月二十一日早文武百官出郊迎駕入行殿朝行四拜禮明日即

皇帝位。先期司設監設御座於華蓋殿。設寶座於奉天殿。欽天監設定時鼓。錦衣衛設鹵簿大駕。尚寶寺設寶案於奉天殿。鴻臚寺設表案於丹陛上。教坊司設中和韶樂。設而不作。鴻臚寺設詔案。錦衣衛設雲蓋。雲盤於奉天殿內之東。別設雲蓋於承天門。設雲輿於午門外。設宣讀案於承天門上。西南向。至日遣官祭告天地宗廟社稷。駕由大明門入。至文華殿省詔草。改年號。設酒果於

大行皇帝几筵前

上俱素服謁告畢。設香案奉天殿升座。上。

上袞冕服行告。

天地禮。詣奉先殿奉慈殿謁告畢。仍詣。

大行皇帝几筵前行禮。詣。

慈壽皇太后。

莊肅皇后前。各行禮。

上御華蓋殿。文武百官朝服入丹墀內。序立。鴻臚寺。

官導執事官進至華蓋殿。傳旨百官免賀。五拜三。

稽首。鴻臚寺正官請陞殿。

皇明典禮志卷之一
上由中門出陞寶座。鳴鞭贊拜。百官出頒詔如常。
論曰。登極禮儀。

高皇初用王禮。後正大位。其儀始備。

文皇靖難。以乙丑至金川門。以己巳卽帝位。倉卒其
儀不詳。

昭皇以儲宮嗣立。稍有更定。

肅皇入自藩國。與

嗣皇異。累朝所因者

昭皇儲宮禮也。

皇明典禮志卷之一終